



Broj: 01-242/17
Vareš, 30.11. 2017. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09), člana 22. i člana 65. Statuta Općine Vareš – prečišćeni tekst, broj: 01-162/12 od 11.09.2012. godine Općinsko vijeće Vareš, na 12. sjednici održanoj 30.11.2017. godine, d o n o s i

ODLUKU
o raspisivanju izbora za članove Savjeta mjesne zajednice Strica-Zaruđe

Član 1.

Raspisuju se izbori za članove Savjeta mjesne zajednice Strica-Zaruđe.

Član 2.

Izbori će se održati 10.12.2017. godine (nedjelja) sa početkom u 15,00 sati.

Ukoliko se izbori ne provedu u vremenu utvrđenom u stavu 1. ovog člana, Služba za opću upravu društvene djelatnosti i boračko-invalidsku zaštitu će sa aktuelnim predsjednikom MZ Strica-Zaruđe utvrditi novi datum za provođenje izbora.

Član 3.

Broj članova Savjeta mjesne zajednice Strica-Zaruđe utvrđen je Statutom Mjesne zajednice Strica-Zaruđe, s tim da ne može biti manji od 3 ni veći od 9, a određuje se ovisno o broju stanovnika.

Sastav članova Savjeta će odražavati srazmjernu zastupljenost mjesnih područja, nacionalnu zastupljenost kao i jednakopravnu zastupljenost spolova.

Član 4.

Članovi Savjeta mjesne zajednice Strica-Zaruđe i predsjednik biraju se po postupku i na način utvrđen Statutom Mjesne zajednice Strica-Zaruđe i u skladu sa Statutom Općine Vareš.

Član 5.

Zadužuje se Služba za opću upravu, društvene djelatnosti i boračko-invalidsku zaštitu Općine Vareš da sa aktuelnim predsjednikom MZ Strica-Zaruđe provede izbore za članove Savjeta mjesne zajednice Strica-Zaruđe.

Član 6.

Obavezuje se aktuelni predsjednik Mjesne zajednice Strica-Zaruđe da zapisnik sa zбора građana o provedenim izborima, dostavi Službi za opću upravu, društvene djelatnosti i boračko-invalidsku zaštitu Općine Vareš u roku od osam dana od dana održavanja izbora.

Služba za opću upravu, društvene djelatnosti i boračko-invalidsku zaštitu Općine Vareš je dužna na osnovu zapisnika iz stava 1. ovog člana pripremiti akte za potvrđivanje rezultata izbora za članove Savjeta MZ Strica-Zaruđe.

Član 8.

Odluka stupa na snagu osmog dana od dana objavljivanja na oglasnoj tabli Općine Vareš.

**PREDSJEDAVAJUĆI
OPĆINSKOG VIJEĆA**

Kenan Kamenjaš

Odluka objavljena na oglasnoj tabli Općine Vareš dana 01.12. 2017. godine.

OPĆINSKI NAČELNIK

Zdravko Marošević

O b r a z l o ž e n j e

Odluke o raspisivanju izbora za članove Savjeta mjesne zajednice Strica-Zaruđe

1. Pravni osnov

Pravni osnov za donošenje ove Odluke sadržan je u članu 13. Zakona o principima lokalne samouprave FBiH (Službene novine FBiH, broj: 49/06 i 51/09), članu 22. i članu 65. Statuta Općine Vareš – prečišćeni tekst, broj: 01-162/12 od 11.09.2012. godine.

U članu 65. stav 1. Statuta Općine Vareš – prečišćeni tekst, broj: 01-162/12 od 11.09.2012. godine, stoji: „Izbori za članove savjeta mjesne zajednice održavaju se u terminu utvrđenom odlukom Općinskog vijeća, a u pravilu istovremeno u svim mjesnim zajednicama“.

2. Razlog za donošenje

Služba za opću upravu, društvene djelatnosti i boračko-invalidsku zaštitu Općine Vareš je dana 30.10.2017. godine zaprimila dopis MZ Strica-Zaruđe, kojim se od Službe traži da pokrene proceduru izbora novog Savjeta i predsjednika MZ Strica-Zaruđe iz razloga što je aktuelni predsjednik podnio ostavku, a potom i svi članovi Savjeta MZ Strica-Zaruđe.

Kako bi MZ nesmetano funkcionisala neophodno je provesti izbore i izabrati novi Savjet i predsjednika.

3. Finansijska sredstva

Za sprovođenje ove Odluke nisu potrebna finansijska sredstva.

**PREDLAGAČ:
OPĆINSKI NAČELNIK**

Zdravko Marošević